

DOWORK ФОЙДАЛАНИШ КУЛЛАНМАСИ 2020 й.

24 ДЕКАБРЯ

Фрилансерлар учун.



DOWORK

Мундарижа:

Кириш.....	3
Рўйхатдан ўтиш.....	4
Профилни фаоллаштириш.....	4
Шахсий кабинетга кириш.....	4
Портфолио жойлаш.....	5
Хизмат жойлаш.....	5
Буюртмага таклиф билдириш.....	6
Таклифларни кўриш.....	7
Ишни қабул қилиш.....	7
Ишни бажариш.....	7
Хавфсиз битим.....	7
Ишни топшириш.....	7
Арбитраж хизмати.....	8
Арбитражга мурожат қилиш.....	8
Ҳакамлик жараёни қандай олиб борилади?.....	8
Арбитражни қандай килиб бекор қилиш мумкин?.....	9
Тўловни ечиб олиш.....	9
Тўловни олиш реквизитларини киритиш.....	9
Тўловларнинг картага тушиш муддати.....	9
Конкурслар ва уларда қатнашиш.....	9
Шахсий маълумотларни тўлдириш саҳифаси.....	10
Сертификат ва ютуқларни исботловчи ҳужжат сканерини юклаш.....	10
Контакт маълумотларингиз.....	11
PRO ва PROFi.....	11
Сайтдаги балансни тўлдириш.....	12
Рейтинг.....	12
Профилни банд ёки бўш деб белгилаш.....	12
Профилни фрилансерлар саҳифасида биринчига қўйиш.....	12
Профил юқори қисмига обложка (муқова) расмини жойлаштириш.....	13
Умумий соғламалар.....	13
Профилни сеvimлиларга қўшб қўйиш.....	13
Блог ёзиш.....	14
Яқунловчи қисм.....	14

Кириш.

DOWORK.UZ сайты хақида қисқача тушунча.

DOWORK.UZ сайты бу фрилансерлар ва буюртмачиларнинг ўзаро ишончли ва хавфсиз иш олиб боришини таминловчи веб платформасидир.

Фрилансерлик бу бугунги куннинг замонавий кўринишдаги фаолият турларидан биридир. Ушбу фаолият билан жуда хам кўп соха вакиллари шуғулланишлари мумкин. Унинг энг яхши тарафларидан бири, соха учун буткул боғланиш шарт эмаслиги, яъни вақтингиз булганида ёки дам олиш кунларида хам фрилансерлик билан шуғулланишингиз мумкин. Бундан ташқари бу соха, иш вазифа бажариш эвасига момайгина қўшимча даромад топишнинг қулай усулихандир. Хар бир инсон қайсидир бир сохада нимадир вазифа, иш бажара олади. Бунинг ортидан эса даромад топишлик мумкин албатта. Ҳамма хам вақти-вақти билан фреелансерлар хизматидан фойдаланади. Бу соха буюртмачилар учун хам, ишни тез ва сифатли бажарилишининг энг фойдали йўли хисобланади. DOWORK ни яратиш орқали биз фрилансерларнинг қулайлиги, иш бажариш тезлиги ва уларнинг ғояларини мукаммаллаштиришга интиламиз.

Тизимнинг асосий вазифаси бу – буюртмачи ва фрилансерни вақтини тежаш, фрилансер томонидан муддатида бажарилмаган буюртмага киритилган тўловни буюртмачига қайтариш, шунингдек тўлов борасида хар иккала тарафни хавфсизлигини таминлашдир.

DOWORK буюртмачининг вазифаси ўз вақтида бажарилиши ва фрилансернинг иш хақлари вақтида қабул қилинишини 100% кафолатлайди.

DOWORK билан ҳеч ким алданиб қолмайди!

Рўйхатдан ўтиш.

Даставвал DOWORK.UZ сайтига кирганингизда рўйхатдан ўтиш учун куйидагича амалларни бажаринг!

1. Компютердан сайтга кирганда, ўнг тараф юқори қисмдаги Кириш / Рўйхатдан ўтиш ёзуви устига босасиз.

Мобил телефондан кирганда ҳам сайт юқори қисмида кириш белгиси бор. Ушбу кнопкага босасиз.

2. Пайдо бўлган ойна юқорисидаги дан Рўйхатдан ўтиш га босинг;

3. Мен фрилансерман ни танланг;

4. Биринчи қаторга исмингиз, иккинчи қаторга электрон почта манзилингиз, учинчи қаторга эсингизда қоладиган пароль ёзинг. Киритилган маълумотларни ёдингизда тутинг. Улар сайтга кириш вақтида ишлатилади;

5. Пастдаги тўртбурчак катакча устига босинг;

6. Давом этиш га босинг;

7. Табриклаймиз сиз сайтда муваффақиятли рўйхатдан ўтдингиз.

Профилни фаоллаштириш.

1. Электрон почта манзилингизга профилни фаоллаштириш хабари юборилади. Хабар ичидаги активлаштириш ссылкасига босинг (этой ссылке ёзуви устига);

2. Почтага юборилган ссылка билан ўтганда, ёки браузер оркали кабинетингизга кирганингизда Мутахассисликни танланг пастки қисмида сохангизни танланг;

3. Давом этиш га босинг;

4. Табриклаймиз сиз профилингизни муваффақиятли фаоллаштирдингиз.

Шахсий кабинетга кириш.

Сайтда шахсий кабинетга кириш учун қуйидагича амалларни бажаринг.

1. Компютердан сайтга кирганда, ўнг тараф юқори қисмдаги Кириш / Рўйхатдан ўтиш ёзуви устига босасиз.

Мобил телефондан кирганда ҳам сайт юқори қисмида кириш белгиси бор. Ушбу кнопкага босасиз.

2. Пайдо бўлган ойна юқорисидаги дан Кириш га босинг,

3. Бирини қаторга рўйхатдан ўтганингиздаги киритган электрон почтангизни киритинг.;

4. Иккинчи қаторга эса рўйхатдан ўтганингиздаги киритилган паролингизни киритинг;

5. Кириш тугмачасига босинг.

Табриклаймиз сиз сайтда шахсий кабинетингга муваффақиятли кирдингиз.

Портфолио жойлаш.

1. Портфолио жойлашда, сайтга компьютер орқали кирилганда ўнг тараф юқори қисмда юмалоқ профил расмига, мобиль телефондан эса ўнг тараф юқори қисмдаги тўртбурчак профил тугмасига босасиз;
2. Портфолио га босасиз;
3. Иш кўшиш тугмасига босасиз;
4. Пайдо бўлган ойнадан портфел турини танлайсиз, сиз расмли ёки видеолавхали портфел яратишингиз мумкин; (Биз мисол қилиб расмликни босдик.)
5. Муқовага босасиз, портфел учун расм танлайсиз;
6. Сарлавха ёзувига босасиз ва портфел сарлавхасини киритасиз;
7. Хаволага босасиз, кераклича тўлдирасиз;
8. Тарифга босасиз, портфелга тарифни шу ерга ёзасиз;
9. Категория/Белги га босиб, қидирганда осон топилиши учун ўзингиз истаган калит сўзларни киритасиз;
10. Яшил рангдаги Кўшиш тугмасига босасиз;

Табриклаймиз сиз ўз портфелингизни муваффақиятли қўшдингиз.

Хизмат жойлаш.

1. Ўз хизматларингиз сайтга қуйидагича тартибда жойлашингиз мумкин, сайтга компьютер орқали кирилганда ўнг тараф юқори қисмда юмалоқ профил расмига, мобиль телефондан эса ўнг тараф юқори қисмдаги тўртбурчак профил тугмасига босасиз;
2. Менинг хизматларим га босасиз;
3. Хизмат кўшиш тугмасига босасиз;
4. Пайдо бўлган ойнадан суралган маълумотларни тўлдирасиз;
5. Сарлавха қаторига хизматингиз сарлавхасини киритасиз, яъни номини;
6. Муқова ёзуви ёнидаги танлаш тугмасига босинг ва хизматингиз муқовасига қурилмангиздан бирорта расм танланг;
7. Нархи қаторига хизматингиз нархини киритасиз;
8. Тарифга хизматингиз тарифини киритасиз, яъни хизматингиз хақида тўлиқ маълумот;
9. Агарда ушбу хизматга кўшимча хизматингиз бўлса пастки қисмдаги кўшимча хизматлар қаторига номи ва нархини ёзасиз.

10. Агар сизда бир нечта қўшимча хизматлар бўлса, Қўшимча хизматлар ёзуви тўғрисидаги + ни босинг;

11. Барча маълумотларни киритиб бўлгач саҳифа пастки қисмидаги Қўшиш деб ёзилган яшил тугмага босинг;

Табриклаймиз, сиз ўз хизматингизни қўшдингиз, хизматларингиз сайтнинг фрилансерлар бўлимнинг юқори қисмидаги слайдерда кўрсатилади.

Диққат! Хизматларни слайдерда кўрсатишлик учун сизнинг профилингизда PRO хизмати ёқлган бўлиши керак.

Буюртмага таклиф билдириш.

1. Сайтнинг бош саҳифаси пастроқ қисмида ёки тепа саҳифадаги буюртмалар тугмасига босганда, буюртмачилар томонидан жойланган буюртмалар рўйхати кўринади. Буюртма ёнидаги яшил рангдаги Батафсил тугмасини босинг;
2. Буюртманинг маълумотлари таъриф ичида ёзилган бўлади, у билан танишиб чиқинг сўнгра Таклиф билдириш тугмасига босинг;
3. Пайдо бўлган ойнада буюртма учун нарх, уни бажариш муддатини киритинг.
4. Пастки қисмда Хабар матни қаторига буюртма юзасидан буюртмачига хабар ёзиб қолдирасиз;
5. Энди яшил рангдаги Юбориш тугмасига босинг.

Табриклаймиз, буюртма учун таклифингиз буюртмачига юборилди. Энди таклифингиз буюртмачи томонидан мақул келиши ва тасдиқланишини кутиш керак.

Эслатма! Сиз буюртмаларга таклиф билдиришингиз учун сайтда фрилансер сифатида рўйхатдан ўтган бўлишингиз ва шахсий кабинетга кирган бўлишингиз керак.

Таклифларни кўриш.

Буюртмаларга юборилган таклифларингизни ёки тизимга қўшган хизматингизга юборилган буюртмачи таклифларини электрон почтангизга юборилган хабар орқали билишингиз мумкин. Шунингдек, сиз таклифларни сайтнинг тепа панелнинг ўнг тарафидаги профил аватарига босганингизда (мобил телефонда тепа панелдаги одамча иконкасига босасиз) таклифларим тугмасини босганингизда ҳам кўришингиз мумкин.

Сизнинг таклифингиз буюртма саҳифасининг пастки қисмида таклифлар рўйхатида ҳам кўриниб туради.

Ишни қабул қилиш.

Буюртмачи таклифни қабул қилганидан сўнг, сиз ўша вазифа учун юборилган таклифлар ичидан танлаб олинган иш бажарувчи хисобласасиз. Таклифингиз қабул қилинганлиги ҳақида электрон почтангизга хабар юборилади. Энди сиз DOWORK.UZ сайтида таклифларим бўлимига киришингиз ва ишни олганингизни тасдиқлашингиз керак. Таклифларим бўлимида юборган таклифингиз учун Тасдиқлаш ва Рад этиш тугмалари ҳосил бўлади. Ишни қабул қилиш учун тасдиқлаш тугмасини босишингиз керак.

Ишни бажариш.

Сиз ишни қабул қилишни тасдиқлаганингиздан сўнг, буюртмачи тўлов суммасини хавфсиз битим тизимига ўтказиши керак. Буюртмачи тўловни амалга оширганидан сўнг, электрон почтангизга, буюртмачи буюртма ҳақини тизимга тўлагани ва ишни бошлашингиз мумкинлиги ҳақида хабар юборилади. Шундан сўнг ишни бажаришингиз мумкин.

Хавфсиз битим.

Фрилансерларга буюртмачидан, бажарилган ишлар, хизматлар учун тўловларни ишончли тарзда қабул қилиб олишни кафолатловчи хизматдир.

Ишни топшириш.

Буюртма шартларини бажариб бўлгач, шахсий кабинетингизда таклифларим бўлимида буюртма муҳокамаси саҳифасида бу ҳақида хабар беришингиз керак. Буюртма бажарилганлигини тасдиқлаш ва буюртмани яқунлаш буюртмачи томонидан амалга оширилади.

Диққат! Буюртмачи киритган тўловни фақатгина иш якунлангандан сўнг фрилансерга берилади. Иш якунланмаган ҳолатда, тўлов суммаси буюртмачига қайтарилади.

Арбитраж хизмати.

Хавфсиз битимда арбитраж низоларни таҳлил қилувчи, мажбуриятларни бажариш ва бюджетни қайтариш/тўлаш масалаларини ҳал қилувчи мустақил томондир. Бир гап билан айтганда одилона ҳакамлик хизматидир.

Куйидаги ҳолатларда арбитраж хизмати керак бўлади:

- буюртмачи асоссиз равишда ишни қабул қилмаса;
- иш бажарувчи алоқага чиқмаса;
- шарт ва шартномаларда номувофиклик ҳолатларида;
- ўтказиб юборилган муддатлар бўйича ишлашда;
- томонлар ўзлари ҳал қила олмайдиган бошқа ҳар қандай вазиятларда.

Арбитражга мурожат қилиш.

Агарда сиз буюртмани бажариб топширсангиз, бажарилган иш борасида буюртмачи ноҳақ бўлса, ёки сиз буюртмачидан норози бўлсангиз, буюртма муҳокамаси саҳифасида Арбитражга мурожаат қилиш тугмасини босинг. Пайдо бўлган ойнада савдо иштирокчиларининг барча ҳаракатларини ёзинг, юбориш тугмасини босинг. Пайдо бўлган ойнада арбитражга шикоят матнини ёзинг. Сўров юбориш тугмасини босинг ва ҳакамлик жараёнини бошлашга тайёрлигингни тасдиқланг.

Ҳакамлик жараёни қандай олиб борилади?

1 кундан 10 кунгача бўлган муддат ичида: Арбитраж томонлар билан алоқа ўрнатади ва мулоқот қилади (фақат битим саҳифасида); буюртма, ёзишмалар ва натижаларни таҳлил қилади; томонларни келиштириш вариантларини таклиф этади (керак бўлганда); якуний қарор қабул қилади. Фрилансерга ҳам, буюртмачига ҳам бу ҳақида хабар берилади. Ечим борасидаги хабар электрон почта манзилига ҳам юборилади.

Арбитражни қандай килиб бекор қилиш мумкин?

Буюртмачи ва иш бажарувчи ҳакамлик енди талаб этилмайди, деб битим жойида ёзсалар бас. Қўшимча равишда қўллаб-қувватлашга мурожаъат қилишлари талаб этилмайди. Агар ҳар икки томон келишувни тасдиқлаган бўлса, Арбитраж битимни иш жараёнига қайтаради.

Тўловни ечиб олиш.

Буюртмачи буюртма бажарилганлигини тасдиқлаб, буюртмани якунласа электрон почта манзилингизга бу ҳақида хабар юборилади. Шундан сўнг буюртма муҳокамаси саҳифасида Тўловни ечиб олиш тугмаси ҳосил бўлади. Пулни картангизга ечиб олиш учун ушбу тугмани босишингиз керак.

Тўловни олиш реквизитларини киритиш.

DOWORK.UZ сайтида ишлаган пулларингизни ечиб олиш учун картангиз 16 талик ракамингизни киритган бўлишингиз керак. Сайт юқори қисмидаги профил аватарига босинг, соғламалар бўлимига кириш (мобиль телефонда соғламалар бўлимига кириш шарт эмас). Энди эса молия ёзуви устига босинг. Ушбу саҳифада UZCARD ёки Нито картангиз ракамини киритинг ва яшил рангдаги Сақлаш тугмасига босинг.

Тўловларнинг картага тушиш муддати.

Тўловлар фрилансер банк картасига, ечиб олиш сўрови юборилган вақтдан бошлаб 1 соатдан 12 соатгача бўлган муддат ичида тушириб берилади. Ечиб олишнинг минимал миқдори 5000 сўм.

Конкурслар ва уларда қатнашиш.

Сайтда айрим буюртмачилар ютуқли конкурслар уюштирадилар. Конкурсда истаган фрилансерлар қатнашишлари мумкин. Конкурсда айнан битта вазифа берилади, унда конкурнинг шартлари, конкурс бошланиш санаси ва ғолибни эълон қилиш куни кўрсатилади. Конкурсда истаган фрилансерлар қатнашишлари мумкин. Фрилансер ўз таклифини билдиради, конкурс шартларига мос равишда иш намуналаридан кўрсатади. Буюртмачига мақул келган иш намунасининг эгаси буюртмачи томонидан ғолиб деб эълон қилинади. Конкурсда қатнашиш учун юқори панелдаги конкурслар ёзуви устига босинг. Мавжуд конкурслар рўйхатидан бирига таклиф юборишингиз мумкин. Иш намуна файлларини юбораётганда Файлларни яшириш тугмасини белгилаб қўйсангиз, бириктирилган файллар фақат

конкурс уюштирувчисига кўринади, конкурс иштирокчиларига эса кўринмайди. Конкурсга киритилган ютуқ суммасини, конкурс туллангач, ғолибнинг банк пластик картасига ўтказиб берилади.

Диккат! Конкурс уюштириш учун сайтга буюрмачи сифатида кириш керак бўлади.

Шахсий маълумотларни тўлдириш саҳифаси.

Сайтдаги профилингиз шахсий маълумотларим саҳифасида ўзингиз ҳақингиздаги барча маълумотларни тўлдиришингиз мумкин. Шахсий маълумотларим саҳифасига кириш учун тепа панелдаги профил аватарига босинг ва созламаларга босинг (мобиль қурилмаларда юқоридаги профил аватарига босгандан сўнг, созламаларга кириш шарт эмас). Ушбу саҳифада куйидаги маълумотларингизни киритишингиз мумкин:

- Туғилган санангиз;
- Жинсингиз;
- Шахрингиз;
- Асосий мутахасислигингиз;
- Қўшимча мутахасисликларингиз;
- PRO ва PROFI хизматини сотиб олишингиз;
- Ўзингиз ҳақингиздаги тарифларингиз;
- Иш стажингиз;
- Бир соатлик иш ҳақингиз қиймати;
- Бир ойлик иш ҳақингиз қиймати;
- Ҳужжатлар ва сертификатларингиз;
- Контактларингиз.

Сертификат ва ютуқларни исботловчи ҳужжат сканерини юклаш.

Сиз соҳангиз бўйича эришган ютуқларингизни исботловчи ҳужжатларингиз, фахрий ёрлиғ, сертификатлар сканерини профилингизга юклаб қўйишингиз мумкин. Бу сизга буюртмачиларнинг ишончини оширади бу эса ишингизга харидорлар сонини оширади. Даромадингиз кўпайишига ёрдамлашади. Сертификатларни юклаш учун, тепа панелдаги профил аватарига босинг ва созламаларга босинг (мобиль қурилмаларда юқоридаги профил аватарига босгандан сўнг, созламаларга кириш шарт эмас) . Шахсий маълумотлар бўлимига кириш сўнггра Ҳужжатлар ва

сертификатлар ёзувининг ёнидаги +қўшиш тугмасига босинг. Қурилмангиздан керакли хужжатни танланг. Шу билан файл кабинетингизга юкланади. Буюртмачилар профилингизни кузатиб кўрганида юклаган файлларингиз кўринади.

Контакт маълумотларингиз.

Сиз ўз профилингиз саҳифасида контакт маълумотларингизни киритиб сақлаб қўйишингиз мумкин. Контакт маълумотлари сифатида телефон рақамингиз, ижтимоий тармоқлардаги аккаунтларингиз, электрон почта манзилларингизни киритишингиз мумкин. Бу буюртмачилар сиз билан тўғридан тўғри аълоқага чиқиш имконини беради.

Диққат! Сизнинг контакт маълумотларингиз буюртмачига кўриниши учун сизнинг профилингизда PRO хизмати ёқилган бўлиши керак.

PRO ва PROFI.

Бу фрилансернинг профессионал аккаунт хизматидир. Ушбу хизмат пуллик тарзда тақдим этилади ва одатий фрилансер профилидан фарқли равишда куйидаги қўшимча хизматларни тақдим этади:

- Рейтингни 25 балга қўтариш;
- 20 та қўшимча мутахасислик;
- Фақат PRO ва PROFI учун деб белгиланган конкурсларда иштирок этиш;
- Фреелансерлар каталогидаги ишларни олдиндан кўриш;
- "Энг яхши иш" блокида эълон жойлаштириш;
- Фақат PRO ва PROFI учун деб белгиланган буюртмаларда иштирок этиш;
- Буюртмаларда сизнинг жавобларингиз - бошқаларникидан юқорида туради;
- Очиқ алоқа контаклари;
- Хизматларни слайдердга чиқариш;

Ушбу хизматни ёқиш учун шахсий маълумотларим саҳифасидаги Қўшимча мутахасисликлар қаторидаги PRO ёзуви устига босинг, ёки сайтнинг энг пастки қисмидаги PRO Аккаунт ёзуви устига босинг, кераклича муддатни танланг.

Хизматни 1 кун, 1 ой ёки 1 йил муддатга сотиб олишингиз мумкин.

Сотиб олиш тугмасини босиб сайтдаги шахсий балансингиздаги маблағ орқали ёки тўғридан тўғри UzCard/Нумо банк пластик картаси орқали сотиб олишингиз мумкин.

Сайтдаги балансни тўлдириш.

Сайтдаги балансингизни тўлдириш учун сайтнинг юқори саҳифасидаги профил аватарига босинг, созламалар ёзувига босинг. Чап тарафдаги профилнинг номи пастки қисмида балансингиздаги қолдиқ кўрсатилади. Ўша қаторда тўлдириш тугмаси бор, ушбу тугмани босасиз. Сумма миқдорини киритасиз, ва Тўлов усулини танланг ёзуви остидаги UzCard/Нимо расмига босасиз. Карта рақамини киритасиз, пастки қаторга картанинг амал қилиш муддатини киритасиз. Картангиз уланган телефон рақамига тасдиқлаш коди юборилади. Код подтврждения қаторига ўша кодни киритиб яшил тугмани босасиз. Хисобингиз шу ҳолатда тўлдирилади. Сайт балансидаги маблағлар фақатгина сайтдаги қўшимча хизматлардан фойдаланиш учунгина амал қилади.

Рейтинг.

Рейтинг бу, DOWORK.UZ сайтидаги сизнинг даражангиздек гап. Бу ҳам буюртмачини фрилансерга бўлган ишончини оширишда қўл келадиган воситадир. Шунингдек сайтнинг фрилансерлар саҳифасида рейтинг баланд бўлган фрилансер профиллари юқори қисмда кўрсатилади. Рейтинг баллари фрилансер аккаунтини куриш учун кирган буюртмачилар учун ҳам яққол кўриниб туради. Рейтинг балларини кўтаришда, профилнинг шахсий маълумотларингизни тўлдиришингиз, PRO хизматини сотиб олиш, буюртмачиларнинг ишингизга нисбатан белгилаган баҳоси, буюртмачининг бажарган ишингизга нисбатан қолдирган изоҳлари ёрдам беради.

Профилни банд ёки бўш деб белгилаш.

Компютерингизда сайтнинг юқори саҳифасидаги профил аватарига босганингизда бўш ва банд тугмаларини кўрасиз. Фрилансерлар бирорта буюртмани бажаришга олганини тасдиқлаганда, ушбу фрилансер автоматик равишда банд деб белгиланади. Фрилансерлар банд ҳолатда бошқа буюртмачи буюртмасини ололмайдилар.

Профилни фрилансерлар саҳифасида биринчига қўйиш.

Сайтнинг фрилансерлар саҳифасининг юқори қисми буюртмачилар учун кўзга ташланарли жой хисобланади. Бу эса бошқаларга нисбатан кўпроқ буюртмалар қабул қилиш ва кўпроқ пул ишлаш демакдир. Шунинг учун фрилансер ўз профилни ушбу саҳифа юқорисига биринчи қилиб белгилаши мумкин. Бу хизмат пуллик хисобланади. Хизматни ёқиш учун сайтнинг юқори саҳифасидаги

фрилансерлар бўлимига кириш (мобиль қурилмада фрилансерлар бўлимига кириш учун ўнг тараф юқори қисмдаги тугмани). Профилнингизни биринчи қаторга бриктириш ёзуви устига босинг ва керакли муддатни танланг. Кейин эса пастки қисмдаги тўлов усулини танланг. Сиз хизмат учун сайтдаги баланснингиз ёки пластик картангиз орқали тўлов қилишингиз мумкин. Яшил рангдаги давом этиш тугмасини босинг.

Профил юқори қисмига обложка (муқова) расмини жойлаштириш.

Айнан бир фрилансерни танлаб, унинг профилини кўздан кечиришда кўзга ташланиб турувчи қисм бу албатта профилнинг юқори қисмидир. Фрилансер профилининг юқори қисмига дидга қараб фон расми ёки бирор нарса акс эттирилган расми жойлаштириш билан профилнинг қўринишини янада қўркам қилиш мумкин. Хизмат пуллик тарзда тақдим этилади. Хизматдан фойдаланиш учун сайт юқори саҳифаси ўнг қисмидаги профил аватарига босиш ва профил номига босиш керак. Кейинги қадам, профилга муқова ўрнатиш тугмасига босишдир. Хизмат учун тўловни сайтдаги баланс ёки пластик карта орқали амалга ошириш мумкин. Тўлов амалга оширилгач, +Муқова қўшиш тугмасига босиб, қурилмадан керакли расм танланади. Ўрнатилиши керак бўлган расмнинг оптимал ҳажми 1920x400px бўлиши керак.

Умумий соғламалар.

Ушбу саҳифада профилнинг айрим маълумотларини жойрий ҳолатдан янгисига ўзгартириш мумкин. Жумладан:

- Исм;
- Фамилия;
- Никнейм;
- Электрон почта манзили;
- Телефон рақамини ўзгартириш, тасдиқлаш;
- Парольни ўзгартириш;

Саҳифага кириш учун сайтнинг юқори панелидан профил аватарига босинг, соғламалар ёзувига босинг (мобиль қурилмада профил аватарига босиб, сайт пастки қисмига тушиш кифоя).

Профилни сеvimлиларга қўшб қўйиш.

Бўриутмачилар ўзларига манзур бўлган фрилансерларнинг профилларини ўзининг сеvimлилар рўйхатига қўшиб олиши мумкин. Сизни айнан кимлар сеvimлиларга

қўшиб олганини қўриб туриш имкониятингиз бор. Бунинг учун юқори панелдаги профил аватарига босинг ва севимлиларга босинг. Ўша саҳифада сизнинг профилнинг севимлилар рўйхатида эканини кўриб тура оласиз. Мобиль қурилмада эса профил аватарига босиш ва сайтнинг пастки қисмига тушиб севимлиларга қириш қифоя.

Блог ёзиш.

Сайтда блог ёзиш имконияти мавжу бўлиб, унда сиз ўз хизматингиз ҳақида ёки бирор бир нарса, воқелик ҳақида мақола ёзишингиз мумкин. Бу сизнинг хизматингизга бўлган буюртмаларни кўпайишига сезиларли даражада ёрдам беради. Блог мақолалари сайтнинг бош саҳифаси пастки қисмида, ҳамда блог саҳифасида қўрсатилади. Мақола ёзиш учун сайт юқори панелидаги профил аватарига босинг ва менинг блогим ёзуви устига босинг. Ёзишни бошлаш тугмасига босинг. Муқова расмига босиб блог муқовасига расм жойланг, пастки қисмда блог учун бўлим танланг, сайрлавха ёзинг, пастки қисмда блог матнини киритинг ва юқорироқдаги +жойлаштириш тугмасини босинг. Блог мақолалари сайт маъмурияти текширувидан сўнг сайтда намоён бўлади.

Якунловчи қисм.

Айни дамда фрилансерлар учун қўлланмамиз шулардан иборат. Хизмат борасидаги ҳар қандай савол ва таклифлар билан сайт маъмуриятига мурожат қилишингиз мумкин. Маъмуриятга хабар ёзиш учун сайтнинг пастки саҳифасидаги биз билан боғланиш ёзуви устига босинг. Кейинги саҳифада ўз маълумотларингизни ва хабарингиз матнини киритинг, текшириш коди саҳифасига расмдаги кодни киритинг. Хабарни юбориш тугмасига босинг.

Шунингдек қуйидаги контактлар орқали ҳам биз билан боғланишингиз мумкин:

[Tel: +998943849930](tel:+998943849930)

Telegram/WhatsApp/IMO: +998943849930

Email: info@dowork.uz

Сайтимиз янгиликларини эса телеграмдаги @dowork_fl каналида кузатиб боришингиз мумкин. Ушбу қўлланма DOWORK.UZ сайтнинг фрилансерлари учун мўлжалланган. Сайтда бирор ўзгартиришлар, қўшимчалар қўшилган тақдирда, ушбу қўлланмага маъмурият томонидан ўзгартиришлар киритилиши мумкин.

Ишларингизда омад ва муваффақиятлар тилаб чексиз хурмат билан Dowork.uz сайти маъмурияти.